

Deo opt. max. uni & trino, Virgini Deiparæ, & sancto Lucæ orthodoxorum Medicorum Patrono.

Q U Æ S T I O M E D I C A.

Quodlibetariis disputationibus manè discutienda in Scholis Medicorum, die Jovis 18. Februarii.

M. JOANNE-BAPTISTA DOYE, Doctore Medico, Præsidi.

An Ischuria Emeticum?

SERUM pars aquosa ciborum & potus, non alit partes, inseruit tamen nutritioni. Corporis utile dicitur excrementum. Dissimiles molis sanguineæ substantias commiscet, ac ipsi necessariam tenuitatem fluxibilitatemque confert, sine quâ per angustissimos quosque ductus neutiquam esset meabilis, etiam in latoribus hæreret viis. Ejusdem impuriore abluo particulas, & unâ secum tum per sudores, tum per urinas evacuat. Collige hinc sudoris & urinæ materiam eandem esse; quæque perpetuò fit per spiramenta cutis vix obvia sensibus exhalatio, vaporosi seri præsertim exspiratio est. Exclusio hæc perennis ita est ad vitam necessaria, ut in ipsâ vita posita sit. Verum quoniam in alimentis plurimum humoris aquei dominatur, plurimum quoque seri quotidie gignitur; atque non exilibus tantum iisque externis, sed insignibus iisque internis opus fuit meatibus, per quos sufficienter evacuari posset.

PER quamcunque viam evacuetur serum, primum oportet à mole sanguineâ secerni. Munus est glandularum secretio. Sanguis è corde per arterias effusus advehitur quoquoeversum; tum glandulæ, fibrillæque, & quæ ex fibrillis efformantur carunculæ ab iplo serum separant. Mirum sanè quàm peculiaris sit in unâquaque parte corporis pororum dispositio. Caveamus tamen ne huic uni singula, quæ vulgò dicuntur Naturæ opera, referamus. Dicat enim aliquis quare serum sanguini admistum per renum & glandularum poros sine ullo sanguine defluat, cum interim pus è thorace delatum, iplo sanguine multò crassius per eadem spiracula sapissimè dilabatur. Sanguis ad renem advectus revehitur per emulgentem in cavam; serum in pelvim destillat, indèque per ureterem in vesicam urinariam demittitur.

QUAMDIU floret sanitas quæ functionum integritate continetur, ita res indefinenti motu peragitur. At quàm funestæ prædictis in partibus quotidie nascuntur ægritudines. Has inter præsentissimum videtur importare periculum Ischuria, cujus causam qui refundunt in imbecillitatem expultricis, non benè videntur ponere calculum: Neque rem satis planam faciunt qui obtusum arguunt vesicæ sensum, nisi fortè, cum invasit paralyfis. Ubi à spinâ sacratâ, vel à vertebrâ luxatâ provenit, maximè si spasmo corripiatur æger, lethalem puta. Frequens Ischuriæ causa est astrictio, frequentior obstructio, quam ulcus, quam pus, grumique sanguinis, quam callus, quam calculus, quam etiam sæpè parit caruncula, tumorque cujuslibet generis. Sua sit his singulis, quantum adhiberi potest, Medicina. Num verò nimia seri redundantia gravatæ sunt partes? Num sunt distantæ? Num lentis & viscosis humoribus meatus sunt infarcti, intercepti, obturati? quâ ratione promptius tutiusque liberari possint sub iudice lis est.

NIMIUM ne fide largis diureticorum potionibus, Idroticorum nequaquam; hæ & illa nullius sæpenumerò sunt efficacitatis, vesicam opplent, fiuntque corpori graves. Parvæ esse debent existimationis inter Medicos foras, exterioraque linimenta. Confert balneum aquæ dulcis, sed nonnisi pluries repetitum. Nec prosunt epotæ nisi post longum temporis intervallum aquæ minerales. Quin & enema frequens utile, tamen interdum inutile, noxium imò, quoniam alvum distendit, & implet flatibus, ægrèque secedit. Catharsis pariter bona, modò non impeditis in partibus hæreat, nec in ipsas majorem humorum colluviem derivet. Ex his palmam ferre debet Emeticum à quo urior, celeriorque, & jucundior expectanda salus. Etenim dum partes vesicæ superiores medicamentum summovet, mirificè percellitur vesica propter nervos ipsi cum ventriculo communes, Musculorumque abdominis contractione comprimitur deorsum; jam verò ubi summotæ partes recidunt in vesicam, nova fit iterum vesicæ depressio.

QUID tùm? commoto toto corpore, vesicâ concussâ & compressâ, præclusæ prorumpunt aquæ, præfocationisque metus amovetur. Qui mollius se gerunt, timiditatis suæ sæpè luunt penas. Neque verò cunctari licet; Elapsa semel haud faciliè reprehenditur occasio, adhuc salvâ partium substantiâ, nondum exacerbatis humoribus, stantibusque viribus ægrotantis solvendus est morbus. Quod si causâ continens Ischuriæ tenaciùs in partibus hæreat; cum in omni urinæ suppressione fiat seri recursus ad venas, symptomaticæ translatione caput afficiatur; & cum serum illud turgens mochlico quàm primum educi debeat, nec ullâ possit evocari commodiori viâ quàm per vomitum, quo non à vesicâ tantum, sed & à cerebro revellitur; sanè quæ supervenire solent Ischuriæ symptomata saltem Emetici beneficio præcaventur.

Ergo Ischuria Emeticum.

DOMINI DOCTORES DISPUTATURI

M. Joannes-Baptista Doye, Præses.
M. Urbanus Leauté.
M. Michael Pichonnat.

M. Franciscus Picot de Bellestre.
M. Nicolaus Bailly.
M. Joannes Daval.



M. Abrahamus Thevart.
M. Nicolaus Lienard.
M. Philippus Donât.

Proponerebat Lutetiæ JOANNES GELLY, à sancto Paulo de Fœnoüilledes, Electensis, Baccalaureus Medicus. A. R. S. H. 1694.